

Hocouh:Hwnj Dangzgoq Aendangj Miz Daegsaek Lwnh Cingsaenz Ngeihcib Daih Dangj Raeuz

贺州:特色党课宣讲党的二十大精神

11 nyied 23 hauh, Hocouh Si Minzcunghvej、Dangjyenz Gyauyuz Cunghsinh (Yenjcwngzban) lienzhab lai aen bouhmonz youq Dabingz Yauzcuz Yangh cienmonz guh dangzgoq aendangj miz daegsaek “valwgloux hailangh caezsim coh dangj raeuz” lwnhgangj cingsaenz Ngeihcib Daih Dangj raeuz. Hozdung miz soengq saw、ciengjdap、ciengq lingzguj Yauzcuz、biujyienj vaiqbanj Maxgai daengi. Neix yienh’ok dangj raeuz daiq vunzlai gak minzcuz gvaq hwnj saedcej vuenyungz, buet coh ngoenzcog engq ndei, caiq dawz cingsaenz Ngeihcib Daih Dangj raeuz cienz hauej lajmbanj. Baezneix, Hocouh yaek laebdaeb bae gak mbanj guh lwnhgangj, dazyinx vunzlai gak minzcuz demlai “haj aen nyinhdoengz”, couqnmaenh gij eiqsik caezcaemh Cunghvaz Minzcuz.

(Lij Gihbuj/李积埔 Dauz Yungzcungh/陶荣棕 Vangz Ligenh/黄丽娟)

► Doengh boux gunghcoz yinzyenz sei gij cihsiz fapldw gvendaengz gvaeh hawj vunzlai.



Nanzningz Guh Hozdung Cauhlaeb Minzcuz Doxgiet Baenaj “Doxyawj Doxcaz Doxhag” 南宁开展民族团结进步创建“互观互检互学”活动

11 nyied 22 hauh daengz 24 hauh, Nanzningz Si Minzcunghvej guh aen hozdung cauhlaeb minzcuz doxgiet baenaj “doxyawj doxcaz doxhag”. Gyoengqvunz gonqlaeng bae daengz Bwzswz Si Aen Vwnzva Gunghyenz Vajsi Fuhyinz、Aen Gvanj Geiqniemh Bwzswz Gijyi、Mbanjbwniz caeuq Nanzningz Si Gingloz Siujyoz daengj doengh aen diemj guhyienh minzcuz doxgiet baenaj. Neix dwg au byaij ok rog bae “doxhag”、youq ndawsi “doxyawj doxcaz” bae doidoengh hong cauhlaeb. Baezlaeng, Nanzningz yaek caenhrengz guh “gouj hauej” cauhaeb minzcuz doxgiet baenaj, gvancez guhsaed cingsaenz Ngeihcib Daih Dangj raeuz, haenqrengz youq seizdaih moq hai ok buenz moq guh hong minzcuz daengx si.

(Veiz Sezyenz/韦雪妍)

Fungsanh Guh Doxdax Aeu Vah-cuengh Doeg Ginghdenj Cunghvaz 凤山举办中华经典壮语诵读比赛

11 nyied 25 hauh, Fungsanh Yenviej Gyauyuz Dangjgunghvej、Yen Gyauyuzgiz guh hagdangz bi 2022 siujhagseng au Vahcuengh cuengq sing doeg ginghdenj Cunghvaz. Baez hozdung neix hawj gyoengq lwghag ndaej ciepcienz vwnzva ginghdenj Cunghvaz, baij ok yienghndei minzcuz, hawj hagdangz vwnzva engq lai yiengh, hawj lwghag gag raen hagsib mizyinx, engq maij hag.

(Veiz Vazcunz/韦华纯)



▲Boux lwghag ndeu youq gwnz daizheiq cuengq sing doeg.

Yizcouh:Gaiq Daihcibsam Ciet Lij-youz Vwnzva Liuz Sanhcej Haimuq 宜州:第十三届刘三姐文化旅游节开幕

11 nyied 24 hauh, Gvangjsih Yizcouh Gaiq Daihcibsam Ciet Lijyouz Vwnzva Liuz Sanhcej youq Yizcouh Gih haimuq. Youq yizsiz haimuq, gij cezmuz lumj doeg sei 《Haenh Yizcouh》、cit heiq 《Feihdauh Yizcouh》 daengj langhbaij yienghndei vwnzva caeuq minzsug Yizcouh. Gyawj geij bi neix, Hozciz Si hwnqguh “aen si swnghdai souhyienz aen singz vwnzva Cejsam”, doicaenh vwnzva lijyouz saenqhwngh, gij vwnzva caeuq gingjsaek ndei Hozciz ndaej cienz okbae, vunzlai caemh haenh de ndei.

(Lanz Yungj/蓝勇 Veiz Dwzfwn/韦德奋)



▲Aen cezmuz 《Fwen · Hot Fwen Cejsam》.